

Тосхлтин кӧдлмшт харшлдгнь юмб?

Сүүлин күс-дундур, хойр сард, тосхлтин хойрдгч номертӕ управленӕ кесг бригаде, Комсомольск уульцар бӕргддж босхгдсн общежитийс тосхлгънд цлцхӕв. Энд кӧдлсн ўр Кекеевин болн ўр Башангиновин бригаде, тосхлтин кӧдлмшин чилгчӕр зӧвӕр цагт кӧдлмш уга зогсцхав. Келхлӕ, нам ганцхн эн хойр бригад, ганцхн эн тосхлтд зогсджахш.

«Кедг кӧдлмш уга болад, кӧдлсн угавдн» гидг ўг хаджугъас сонъссн маднд дегӕд сонън, болшго юмн болдж медгдхӕс биш, тосхлтин управленӕ кӧдлмшчнрт болн гардачнрт болхла, кезӕнӕ дасгддж одсн, дару-дарунъ келгддг ўгмўд болдж гарв.

— Общежитийс бӕрӕд дуусад ирхин алднд пол кех харгъас чилдж одв, хагсу штукатурк уга болдж одв. Тернь тер болг — бӕрджӕх гермўдин зӕрм ӕнъгнь дутдгнь йиринӕ юмн. 6-7 ӧдр кедг кӧдлмш уга болад суувдн, — гидж тенд кӧдлсн кӧдлмшчнр эврӕннь гундлан келцхӕнӕ.

Чолуна кӧдлмш кегдджӕх тосхлтд 6 хулдачин ормта промышленн эд-таврин магазинӕ тосхлтд, эрс тӕвлгъиг дахулдж кегдх зӧвтӕ модна кӧдлмшнь, материал уга болсар, цаглагъан кегдджӕхш. Терўнӕс давад, генткн раствор ирдгнь уурч одна — эрс тӕвдг аргъ уга болад, цуг кӧдлмшчнр цухана. Ўлгўрлхд, ўдин хӧӧн ирчкӕд, раствор кўлӕгъӕд асхн кўртл сууджагъад, хӕрдг учр чигн энд харгъна. Июлин 8-д бас энд иим зогслт болв. Иим йовдлмудин хӧӧн, кӧдлмшчнр кӧдлмштӕн ямаран урмдта болх? Келӕд керг уга, кўўнӕ урмд хооран хӕрхӕс онъгдан олз иим кӧдлмшӕс иршго.

Тосхлтин кӧдлмшт урдкасн улм шудрмгар йовуд ӧгхд техник чигн, тосхлтин материал чигн, кӧдлмшчнр чигн бӕӕнӕ, зуг эдниг эвинь олдж олзлх кергтӕ.

Бийдӕн бӕӕх чидл-кўчиг эвинь олдж эс олзлгън — тосхлт гардачнрин йоста гидг «ӧвткўртӕ газрнь» гидж келх кергтӕ. Элстд кегдджӕх тосхлтин кӧдлмш, балгъсна альк захднь кегддж йовдг болвчн цугъар хоорндан залгълдата. Ўлгўрлхд, тоосхин заводин ӧӧр бӕӕх растворн узел, чолуна кӧдлмш кегддж йовх цуг объектсиг теткнӕ. Кемр, Дивнӕс ирдж йовх тосхлтин материалиг буулгъгдх зӧвтӕ газртнь эс буулгъхла, бас хойр давхр кӧдлмш. Кӧдлмш иим болджах учрар, цуг тосхлтин кӧдлмшиг залгч центр кергтӕ, нег ўлў раствор болн чолу зӧӧлгънӕ кӧдлмшиг дигтӕгъӕр гардх кергтӕ, юнъгад гихлӕ, тосхлтд чолун, тоосх дала болвчн раствор уга болад, кӧдлмшчнр сууцхана, балгъсна наадк нег захднь бӕӕх нег тосхлтд раствор дала кевтвчн, тоосх уга болна. Тегӕд, «кедг кӧдлмш уга болад, кӧдлсн угавдн» гидгтн эндӕс икнъкдӕн гарч ирнӕ.

Цӧӧкн часар, ӧрӕл ӧдрӕр, нег ӧдрӕр бўкл тосхлтд эс гидж онц бригад, онц кӧдлмшчнр кӧдлмш уга болад суудгла, олн ӕнъг учринь тоолад, цанъ аргъ уга болад, эвций, болв ода, кӧдлмшин иим гўргў цагт бўкл бригаде долагъад ӧдр кӧдлмшӕр теткгдлго бӕӕдглӕ тӧрўц эвцдж болшго.

Комсомольск уульцар бӕргддж босхгдсн общежитийс тосхлгънд кӧдлджӕсн ўр Башангиновин, квалифицированн 14 кӧдлмшчнрӕс бўрдсн бригад майин негдгч декадт 6—7 ӧдр кӧдлмш уга бӕӕцхӕв.

Советск кӧдлмшч болгъна производствдан ӕрвлсн ӕмсхл цаг кўртл ўнтӕ цагт, иим йовдлмуд гаргългън, тӕвдж ӧгч болшго эндўс. Иим эндўст даалгъврта улснь, тўрўн болдж «Калмыкстройтрест» ах инженер ўр Семибратов болн энўнӕ медлд кӧдлджӕх специалистнр.

С. ДЖАНУЕВСКИЙ.